

DEEL XI.

Dinsdag 25 September 1956.

Nr. 10

Tjaart van der Walt herkies tot S.R.-Voorsitter

Geesdrif loop hoog in verkiesingsweek.

'n Oorweldigende en dawerende toejuicing het die aankondiging dat mnr. Tjaart van der Walt vir die tweede agtereenvolgende jaar tot voorsitter van die Studenteraad van die P.U. vir C.H.O. herkies is, begeert tydens die massavergadering wat op Donderdag 13 September in die Totius-Gedenksaal gehou is.

Die applous was eweneens luid vir die nuwe ondervoorsitter, mnr. Dirk Postma, die nuwe sekretaris, mnr. Peet Duvenage, die onder-sekretaris, mnr. H. J. van der Walt (jnr.) en die nuwe penningmeester, mnr. Hendrik Erasmus, terwyl die damestudente hartlik en spontaan gejuig het nadat hulle mej. Cecile Smit tot hoofdame van die P.U. verkies het.

Die geesdrif waarmee eers die verskillende tweetalle en later die verkoede lede van die dagbestuur van die Studenteraad deur die massa ontvang is, was opvallend. Tydens dieselfde massavergadering het die voorsitter van die S.R. vir 1955-56, mnr. Tjaart van der Walt, sy jaarverslag gelewer wat met dank aan hom en die hele Studenteraad aanvaar is. Ook het die ondervoorsitter vir 1955-56, mnr. W. F. Steenkamp, sy dank namens die Studenteraad aan mnr. van der Walt oorgebring vir sy ywer en diens. Uit die jaarverslag van mnr. van der Walt het gevlyk dat daar bykans £2000 deur Vreugdedag en deur die kollektelyste ingebring is, terwyl die inkomste van die hofkonsert ten minste £1000 sal bedra.

Ook die finansiële jaarverslag vir 1955-56 deur die uittredende penningmeester van die Studenteraad, mnr. Lukas Swart, is met dank aanvaar. (In die verband is kennis geneem van 'n persoonlike wenk van mnr. J. D. van der Vyver dat alle bankrekenings behalwe die van die Studenteraad gesluit moet word.)

rig deur Pukke wat hulle studies aan die einde van die jaar voltooi, onder andere deur mnre. Bouwie de Klerk, J. J. A. Steenkamp en mej. Mariet du Plessis, E. Geertsema en B. Linde.



Mnr. H. J. van der Walt wat verkies is tot onder-sekretaris van die S.R.

DERSTEUNING van die publiek, sal egter help om die moeilikhede te oorkom, want die grootste struikelblok op die weg tot die bereiking van die beoogde doelstellings, is gebrek aan fondse.

Die vergadering is afgesluit deur 'n geslaagde opvoering van die blyspel "Mimi". Jeremy Ambler het sy rol uitstekend vertolk en ons sou graag meer van hom wou sien.



Mnr. A. P. C. Duvenage die nuwe sekretaris van die S.R.

Reusetaak van die N.T.O.

Mnr. Melt van Niekerk, Organi- seerde van die N.T.O. het op Vry- dagaand, 7 September, 'n lesing van aktuele belang vir elke toneelliefhebber voor 'n handige toneelgeesdriftiges gelewer. Hierdeur is 'n jaar van vrugbare werkzaamhede deur „Thalia“ afgesluit.

„Suid-Afrika, as die enigste land van die Gemenebes wat oor 'n nasionale toneel beskik, is tans die TOON- AANGEWENDE LID in h'erdie opsig,” het Mnr. van Niekerk verklaar. Die N.T.O. het in die tien jaar van sy bestaan, groot hoogtes bereik en geweldig gegroei. Die organisasie is vanjaar in vyf streektoneelorganisasies georganiseer. Oral is die entoesiasme vir toneel bemoedigend — veral op die platteland wat as die vesting van gesonde toneelsmaak beskou kan word.

Die TOEKOMSPLANNE van die N.T.O. is groot. Hulle beskou as hul vernaamste taak om as perfekte voorbeeld te dien vir amateurs. Die amateurverenigings weer moet die kweekbed vorm vir goeie toneelsmaak sodat die nasionale organisasie tot die toneelpubliek kan kom met werk van werlik uitstaande gehalte. Ten einde egter hierdie ideaal te verwesenlik, is dit noodsaaklik dat 'n akademie vir kuns opgerig word. Die fondse ontbrek egter. DIE HEELHARTIGE ON- (Vervolg in kolom 3)

J. HEIDEMA

Vir
FIETSE,
TIKMASJIENE
en
MOTORFIETSE

J. HEIDEMA

(teenoor Geref. Kerk.)
Kerkstraat 30,
POTCHEFSTROOM.

Drink **S & S** en Geniet
DIE BESTE
SUPER ORANGE
TING-A-LING
PEP-A-DILLA
TOP HAT
SHERR & SHAKINOVSKY
POTCH. MINERAL WATER
FACTORY
Phones 16 & 1144 P.O. Box 134



„Kry 'n Kommando!”

Rook Kwaliteit teen Suid-Afrika se
Gewildste Prys

Omdat Kommando dag vir dag by die miljoene verkoop, rook u geurvarse* topkwaliteit-tabak teen Suid-Afrika se gewildste prys. Daarom is Kommando ook die sigaret waarom Suid-Afrika die meeste vra. Gee Kommando 'n kans—en oordeel self!

* Uit fabrieke in al vier die provinsies, kom Kommando-sigarette kwaliteitvars by die tabakwinkel... geurvars en genotvol by u!

DIS DIE KWALITEIT WAT KOMMANDO VERKOOP!



G1/441-2A

Ed. L. OOMS, (N.S.T.O., N.V.V.O. Ned.)

- OOGKUNDIGE.
- Brilspesialiteit.

U oë getoets op modern-wetenskaplike metode.
Kerkstraat 129 — POTCHEFSTROOM — Telefoon 980
EIE OPTIESE SLYPERY.
Depot: CARLZEIS-JENA.

MOORIVIER-**APTEEK**

Kerkstraat 155,

POTCHEFSTROOM

Telefoon 380.

Die Aptek vir Diens!!

INGRAM SE BOTTELSTOOR

INGEVOERDE

en

KOLONIALE

- Wynsoorte
en
- Spiritualieë

JAY'S GARAGE

(K. NOBEL, Eienaar)

Lombardstraat 5, Foon 175,
POTCHEFSTROOM

Voorraadhouders en Handelaars in

- MASSEY-HARRIS TREKKERS
- PLAASGEREEDSKAP,
- PLANTERS en STROPPERS,
- S.A.F.I.M. en WILDBOAR-IMPLEMENTE, ens.

CORNER FRUIT STORE

vir al u

- VRUGTE, LEKKERS,
- SIGARETTE,
- KOELDRANKE en
- VERVERSINGS.

VRUGTE en GROENTE.
Bekend vanweë sy
UITSTEKENDE DIENS!!

DAMES!!

Kom koop al u benodigdhede hier op die BULT
teen baie redelike prys.

OOK ALLE TOILETWARE.

CACHET MODES (EDMS.) BPK.

TOMSTRAAT 56A — FOON 1389
POTCHEFSTROOM

MALAN MEUBLEERDERS

S.A.N.L.A.M.-GEOU, WINKEL NR. 3,

POTCHEFSTROOM.

KOM BESOEK ONS VIR „DIENS”!!

Die Wapad

Dinsdag 25 September 1956.

Offisiële Studentekoorant van die P.U. vir C.H.O.

Die einde... Die begin

Dit is die einde; dit is die begin . . .

In die Noorde dreig die omstandighede, veroorsaak deur die handelswyse van Kolonel Nasser en ander, om 'n begin teweeg te bring. Alles dui daarop dat 'n Derde Wêreldoorlog kan begin, 'n begin, waarskynlik van die einde van die wêreld wat ons ken, en dit weer op sy beurt die voorafgaande aan die begin van 'n nuwe aarde in 'n staat van volkomendheid, 'n begin van wat sal bly, 'n begin van wat geen einde sal hê nie.

Om nader te kom aan ons as studente aan die P.U. vir C.H.O.: Die einde . . . die begin. Die einde van die akademiese jaar is in sig, maar ook die begin . . . van die smarte. Skep ons dan behae in eksamenvraestelle?

Op die gebied van die studentelewe: Die einde . . . die begin. Aan die einde van verlede week het die Studenteraad van 1956 die einde van sy werksaamhede bereik en het die nuwe Studenteraad met sy taak begin.

As ons aan die einde kom, gaan ons vir 'n oomblik stilstaan en terugkyk. Ons dink met dankbaarheid aan die werk wat ons as studente kon verrig; met 'n skuldgevoel oor dit wat nageblaat is. Daar is waardering vir die werk, die aanvoerwerk vir groter dinge wat moet volg, aanvoerwerk wat van grondleggende betekenis is vir die toekoms.

Die toekoms . . . Ons staan aan die begin; die begin van 'n nuwe werkjaar wat die studentelewe betref. En as ons aan die begin staan hef ons ons oë op, vorentoe. Ons kyk na wat gedoen moet word — in die toekoms, in die jaar 1956 — 1957 — en wel terwyl ons die werk wat in 1956 verrig is, in gedagte hou. Ons kyk vorentoe; nee, ons kyk nie net nie, ons gaan doen, en ons weet dat ons met welslae gaan werk omdat ons glo dat die Almagtige met ons is, en omdat ons ware P.U.-studente is.

Wat is 'n ware P.U.-student? Dit is 'n student wat al sy handelswyse, sowel op die gebied van die akademie as op die van die studentelewe, grond op die leuse van die P.U. vir C.H.O.: „In u lig”. Dit is egter ook die student wat individueel sy beskeie deel bydra tot die bevordering en vergestalting van die spesifieke Calvinistiese en die Christelik-Nasionale, sowel in eie terrein as na buite. Maar ten derde is 'n ware P.U.-student iemand wat die algemene belang van ons universiteit op die hart dra en van alle geleenthede gebruik maak om van alle studente-ondernehemings 'n sukses te maak. En, danksy die groot grondleggende werk van 1956, veral ten opsigte van die reorganisasie van ons studentelewe, word daardie geleenthede aan ons gebied. Desentralisasie is die doel van die reorganisasie-aksie; dit is almal wat werk en daar is niemand wat nie werk nie. Siedaar! Geleenthede vir elkeen van ons om aktief te dien en om met goeie gevolg op die gebied van ons studentelewe te arbei.

Is ons almal ware P.U.-studente? Laat elkeen hom hieroor besin. As ons antwoord positief is, sal elkeen van ons, hier waar ons aan die begin staan, besluit om ons plig na te kom op akademiese gebied maar sal elkeen ook trag om die doel van Korps Veritas Vincet, die A.S.B., die A.B.K.K. en die S.S.B. nie alleen as 'n ideaal te sien nie, maar veral om dit 'n lewende werklikheid in ons studentelewe te maak.

Laat elkeen, gesterk deur die krag van die Allerhoogste, nie alleen die begin nie, maar ook die toekoms in hierdie lig sien, en dit sal wel weel met die gees van ons studentelewe aan die P.U. vir C.H.O.

REDAKSIE

F. W. de Klerk (Hoofred.), J. C. Coetzee (Onder-hoofred.), P. J. S. de Klerk, D. C. Coetsee en mej. M. Stoker (Nuus), mej. H. E. Dekker (Kuns), J. C. Coetzee en mej. E. C. L. Seyffert (Sport), H. J. van der Walt, P. J. de Bruyn en mej. J. Erasmus (Varia), P. Brandt (Aflos) en C. Harrington (Fotograaf), mej. H. Rautenbach (Kuns).

Oordenking

OPREGTE LIEFDE.

Rom. 12:9:— „Laat die liefde ongeveins wees.”

In Romeine 12 skryf die Apostel Paulus aan die gemeente van Christus in Rome oor die eenheid en eensgesindheid wat daar in die gemeente van Christus behoort te heers.

Hy vergelyk die gemeente met 'n liggaam waar Christus die hoof is en al die lede van die gemeente die ledemate van die liggaam. Daar is dus 'n eenheid en niets hang los van mekaar nie.

Die liggaam het tog 'n hart ook en dit kan ons sê, is waar eensgesindheid van die ledemate hulle saamtrek-punt vind.

Uit die beskrywing van Rom. 12:9 — 21 blyk dit baie duidelik dat die hart van die liggaam die liefde is. Liefde begin by Christus aan die kruis: „So lief het God die wêreld gehad dat . . .”. Uit liefde vir hulle wat die Vader Hom gegee het, het Christus ons skuld gedra.

Liefde hou egter nie by Christus op nie. Nee, liefde is juis die hart van die christelike gemeente blykens wat Paulus aan die gemeente in Rome skryf.

Liefde hou egter ook nie daarbuite by die gemeente op nie. Trouens dit kan nie die hart van die gemeente wees nie, as dit nie in elkeen van ons se eie hart setel nie.

So gaan die liefde 'n kringloop en deurtrek alles. En waarheen wys dit

uiteindelik weer? In vs 11 (b) skryf die apostel: „Dien die Here.” Dit is waar dit uiteindelik uitkom: Godsdienst. Dit gaan nie hier om die mens self nie. Dit gaan om God. Die Here God alleen kom die oordeel toe en nie ons nie. In Christus aan die kruis het die Here God Sy oordeel voltrek. Juis daarin trek die liefde saam, dat God sy oordeel uit liefde voltrek het.

Geagte leser, as dit weer in u hart opkom om u medemens te beskinder dink aan die liefde; as dit weer in u hart opkom om oor die swakheid van u naaste te oordeel, dink daarvan dat die oordeel God alleen toekom, ook oor uself, en dat Hy daardie oordeel alreeds voltrek het aan die kruis. Bo alles, loop u steeds met 'n hart vol wraak, afguns, naywer, nyd en haat rond, „gee plek vir die traan.”

As ons wil roem in ons Christelikhed, dat ons deur Christus wedergebore is tot 'n nuwe lewe, dan kan ons roem grootliks gemeet word aan die ongeveinsheid van ons liefde teenoor God en ons naaste. Want nie in wêreldgelykvormingheid nie, maar in die vernuwing van ons gemoed daar setel ons liefde. Die liefde weer is die vrug van die vernuwing van ons hart en gemoed in Jesus Christus.

Laat ons God dank dat dit nie uit eie verdienste is dat Hy sy oordeel aan die kruis voltrek het nie, maar uit genade en liefde. Laat ons dankbaarheid weerspieël word in ons lewe God ter ere.

H. J. v.d. Walt.

Krugerday en Ons.

Op 10 Oktober is dit weer Krugerday — dié dag waarop ons hulde bring aan die grootste volksman in ons geskiedenis, dié dag waarop ons dankbaar die hoofde buig vir 'n man soos Paul Kruger, asook vir ons ander helde. Dit is 'n dag vir feesviering, vir uitbundige opgewektheid, vir diepe trots, vir innerlike ontroering, en bo alles vir ernstige dankbaarheid teenoor die Here.

Op 10 Oktober kom die Afrikaners van Potchefstroom bymekaar op die Olien Park om hierdie volksfees saam te vier. Die A.S.B. van die P.U. vir C.H.O. en van P.O.K. sal verantwoordelik wees vir die program gedurende die na-middag.

Hier, geagte leser, is die geleentheid om te toon dat ons nog Afrikaners is. As u gevra word om te help — doen dit. As u nie gevra word om te help nie — kom luister. Laat ons soos een man saam opgaan om hulde te bring aan ons volkshelde. Laat ons toon dat ons nie net Afrikaners in naam is nie, maar ook in daad.

ADMINISTRASIE

J. C. Hendriks (Sakebestuurder), A. G. E. Yssel (Advertensie-bestuurder) B. v.d. Walt, P. J. Riekert, H. Steyn, J. Hoogenboezem, C. J. Steenkamp, A. Pyper, J. le Roux, F. Roux, mej. K. Pretorius, M. v.d. Merwe en A. Opperman.

Uitgeknip vir die naweek...

U weet hoe belangrik naweekontspanning is om ontslae te raak van daardie sufheid wat die week se werk meebring.

VEKA se snyers weer, is bewus van die belangrike rol wat klere speel om die sorgvrye uurtjies aangenaam te maak . . . Daarom bied ons met trots hierdie VEKA-sportbaadjie van handgeweefde Harris Tweed aan . . . oortuig dat dit u ontspanning sal vervolmaak.

Die VEKA-baadjie met die reguit skouerlyn in die gewilde Ruiterstyl, is deftig en manlik—beskikbaar in 'n groot verskeidenheid kleure en geruite patronen—UITGEKNIP VIR U.

As Suid-Afrikaanse fabriek weet ons snyers hoe om vir U te sny. Kennis wat oorsee opgedoen is en jarelange ondervinding, word toegepas om klere te sny wat die Suid-Afrikaner se liggaamsbou pas.

U dra 'n VEKA-baadjie lank omdat dit lank nuut bly.



UITGEKNIP VIR U

Die Harris Tweed-baadjie hier afgebeeld is lighbruin met die bekende Veka-Jonkheerbroek in donkerbruin.

Van Studenteraadswee

Verkiesingstyd, lentetyd, bloktyd. Siedaar die tweede helfte van die studentejaar.

Vir oulaas 'n handdruk van dank aan die fiere strydosse wat onlangs die tuig neergelê het. En aan die jongklomp wat vars in die tuig staan: die pad lê oop voor.

Ons simpatie gaan tot diegene wat hierdie lentetyd gesneuwel het. Mag 'n standbeeld van Cupido met 'n handboek oor die skouer en 'n eksamenskrif onder die arm eendag u blomtuin versier.

En wat die bloktyd betref: mag sterkte en helderheid u deel wees in die maande wat voorlê, mede-akademiese suigelinge.

RUGWAARTS.

Die afgelope jaar stem weereens tot dankbaarheid. En dit dan nogmaals aan elke student, elke bestuurslid, vir die volle gewig wat ingewerps is. Sonder u heelhartige steun sou die periode wat verby is daar veel armer uitgesien het.

Dit geld in besondere mate van die Studenteraad van 1956. U moes in menige opsig nuwe terrein betree. En tog kon u meer as een bouwerk naat wat, immer lewend, in die jare wat kom sal getuig van u onvoorwaardelike toewyding aan dit waartoe u geroep is.

Die een geslag kom, die ander gaan. Maar 'n vriendskap soos dié wat u aanmekaar gebind het, ver-smelt nie aan die einde van 'n dienstermyne nie.

Ook aan ons geagte Rektor, Raad, Huisvader, Registrateur en dosente en administratiewe personeel van die P.U. vir C.H.O. ons hoe waardering vir die welwillende tegemoetkoming wat altyd van u te wagte was.

VOORWAARTS.

Maar — om die inleidingsartikel aan te haal — „die einde, die begin”. 'n Jaar is verby — maar 'n nuwe lê voor.

Om die aandag van die nuwe bestuure op die betekenis van die res van hierdie jaar met die oog op die werkzaamhede van 1957 te vestig, is seker nie nodig nie. U weet dat ons verkiesings reeds vroeg in September plaasvind om onder andere die nuwe garde dié geleentheid te gee om hulle vir meer as twee maande lank rustig in te grawe sodat sake met die ingang van die nuwe jaar onmiddellik kan vlot.

STUDENTERAADSKOMMISSIES.

U jong span van veertien wat u vir 1957 daargestel het, kon dan ook onmiddellik aandag gee aan aanvoerwerk vir die jaar wat voorlê.

In die eerste plek moet die organisatoriese wysigings wat in 1956 tot stand gebring is, deeglik getoets en gekonsolideer word. Hierby mag dit egter nooit bly nie. En daarom het 'n kommissie onder leiding van mnr. Dirk Postma as taak 'n deeglike studie van die studente-organisasie van ander universiteite en 'n voortsetting van dié van ons eie studentelewe.

Ook die geldinsamelingsveldtog sal voortgesit word, en wel deur 'n kommissie onder konvenorskap van mnr. S. P. B. Buys. Van tyd tot tyd sal u nadere besonderhede in hierdie verband ontvang.

Van die agtal ander kommissies wat reeds daargestel is, noem ons hier die Publikasie-kommissie (twee Studenteraadslede en die hoofredakteurs van „Pukkie”, „Wapad” en „Besembos”) wat 'n wakende ogie oor die huishoudelike welsyn van Studenteraadspublikasies sal hou, en die Toekommissie (twee Studenteraadslede en die voorstellers en organiseerders van die kultuurverenigings wat toere onderneem) wat veral die wedersydse kontak tussen kulturele liggeme wat toere onderneem en die Studenteraad sal verstewig.

DIE STUDENTERAAD EN U.

Die Studenteraad van 1957 wil weereens te alle tye ten nouste met all P.U.-studente saamwerk. Om u egter na die beste van ons vermoë te kan dien, is daar 'n paar puntjies waarop u moet let:

Korrespondensie: Gee in u skrywes 'n sistematiese, volledige weergawe van die betrokke feite, en veral 'n kernagtige motivering vir u versoek. Sorg dat u briewe minstens ses uur voor die aanvang van 'n Studenteraadsvergadering in die hande van die Studenteraadsekretaris is.

Totius-Gedenksaal: Indien u verversings in die Studentesaal wil verkoop in ure wanneer die Kafeteria oop is, moet u dit uitdruklik in u aansoek om die saal te mag gebruik, vermeld. Die Studenteraad sal ook slegs in uitsonderlike gevalle sodanige aansoek toestaan.

Komitees van die Studenteraad: Sorg dat kennisgewing van u vergaderings vroegtydig by die Studenteraadskantoor geskied. Stuur gereeld binne 24 uur na 'n vergadering 'n lys van die besluite wat u op die betrokke vergadering geneem het, aan die Studenteraad.

Alle besture: Op Vrydagaand, 12 Oktober, ontmoet Studenteraadsdag-bestuurslede alle bestuurslede van liggeme wat onder patronaat van die Studenteraad staan, en wel om 1.30



VAN DIE REDAKSIE

Postmuseum,
P.U. vir C.H.O.
19 September.

Geagte Pukke,

Net 'n paar kort woorde ter afsluiting van die jaar se werkzaamhede. Ons wil graag ons hartlike dank uitspreek vir die samewerking van die afgelope jaar. Dit was 'n jaar van voorspoed, kalmte en tog ook verandering.

Aan die nuwe redaksie en administrasie van „Die Wapad” wil ons alle voorspoed en geluk toewens. Mag hulle vrugbaar arbei.

Graag wil ons alle nuwe bestuurslede gelukwens met hulle verkiesings en 'n aangename arbeidstermyne toewens.

Aan al ons lesers — sterkte en voorspoed met die eksamen. Mag dit met almal goed gaan.

Groetend,
F. W. de Klerk,
(Hoofred.)

nm. in die Totius-gedenksaal. By hierdie geleentheid sal u onder andere verdere inligting ontvang van die ramings wat voor of op 31 Oktober in die Studenteraadskantoor moet wees.

BEGINSELVAS.

Alhoewel die praktiese organisasie nooit verwaarloos mag word nie, kan dit egter nie net hierby bly nie.

En daarom is die ideaal vir die komende jaar: enersyds, om ons studentelewe vierkantig op die lees van ons beginsels te skoei, om én student én studentegemeenskap lewende vergestaltings van dit wat ons koers en rigting gee, te maak; en andersyds, om doelbewus, deurdringend, planmatig na buite uit te werk; om ons beginsels oor te plant op alle terreine van die lewe; om ons self in die stryd te stel teenoor alles wat Sy Naam nie tot eer strek nie — en sodoende ook tot dieper kennis van ons self en ons beginsels te kom.

Slegs die deurwerking van ons beginsels, na binne sowel as na buiten, kan 'n blywende bouwerk daarstel.

Laat student en Studenteraad dan weer in die komende jaar saam voortbou aan hierdie grootse taak en roeping.

T. v.d. W.

Erekleure.

Die volgende persone het in die verskillende sportklubs erekleure verwerf gedurende 1956:

RUGBY:

N. J. S. de Lange, H. L. M. Erasmus.

MANSHOKKIE:

J. C. Coetze, H. Wiese.

DAMESHOKKIE:

Mej. Jo Schoeman.

KORFBAL:

Mejj. A. Bingle, P. S. du Plooy en B. Kruger.

BOFBAL:

W. F. Steenkamp.

ATLETIEK:

A. B. Burger, W. P. O. van der Merwe, mej. A. Struwig.

Bekerwenners.

DE KLERK-BEKER:

J. J. A. Steenkamp.

CORRIE VAN ROOY-BEKER:

Mej. A. Struwig.

GLASER-WISSELBEKER vir Jukskiei:

Mej. A. Struwig.

DAVY ROBBERTSON Wisselbeker vir Atletiek:

A. B. Burger:

P. W. BUYS-WISSELTROFEE:

Thalia en P.U. Musiekvereniging:

P. C. KRUGER-WISSELTROFEE:

vir Skaak:

D. Prins.

DIRK VAN ROOY-WISSELTROFEE vir skaak (interkoshuis):

Dawie du Plessis-huis:

REDENAARSBEKER:

Jan Schutte en A. P. Brink:

„DIE BESEMBOOS“-WISSELTROFEE:

FEE:

G. P. S. Alberts.

Mej. Marina Scheepers en mnr. Tjaart van der Walt is aanbeveel vir die toekenning van die Raadsmedaljes vir 1956.

VOLLEDIGE VERKIESINGSUITSLAE

A. STUDENTERAAD:

Voorsitter: Tjaart van der Walt.

Onder-voorsitter: D. Postma.

Sekretaris: A. P. C. Duvenage.

Onder-sekretaris: H. J. van der Walt (Jnr.)

Penningmeester: H. L. M. Erasmus

Hoofdame: Mej. Cecile Smit.

Ander lede: S. P. B. Buys (Korps V.V.)

Mej. M. van der Walt (Korps V.V.)

F. W. de Klerk (A.S.B.)

L. A. S. van Wyk (A.S.B.)

J. H. Coetzee (A.B.K.K.)

Mej. M. Stoker (A.B.K.K.)

D. du Plessis (S.S.B.)

J. C. Coetzee (S.S.B.)

B. HOOFLIGGAME:**1. Korps Veritas Vincet:**

Voorsitter: H. Kruger.

Ondervoorsitter: H. J. van der Walt (Snr.)

Sekretaris: S. P. B. Buys.

Penningmeester: A. A. Venter.

Organiseerder: G. Hattingh.

Add. lede: P. J. J. van der Walt

R. V. Venter.

P. Aucamp.

S. F. van der Westhuizen.

Mej. M. van der Walt.

Mej. M. Willemse.

2. A.S.B.

Voorsitter: D. Postma.

Onder-voorsitter: F. W. de Klerk.

Sekretaris: F. du T. Lessing.

Penningmeester: H. J. van der Walt (Jnr.)

Organiseerder: L. A. S. van Wyk.

Add. lede: J. C. Coetzee.

D. J. Putter.

P. Brandt.

D. C. Coetzee.

Mej. C. M. E. van der Merwe.

Mej. B. Chapman.

3. A.B.K.K.:

Voorsitter: C. D. Roode.

Onder-voorsitter: J. H. Coetzee.

Sekretaresse: Mej. M. Stoker.

Penningmeester: A. N. Helberg.

Ander lede: A. P. C. Duvenage, W. de Vos, H. J. van der Walt (Jnr.)

S. P. B. Buys,

R. V. Venter,

A. J. van der Walt,

Johan Coetzee,

C. J. H. Lessing.

4. S.S.B.:

Voorsitter: D. G. C. du Plessis.

Onder-voorsitter: J. C. Coetzee.

Sekretaris: J. Bothma.

Penningmeester: P. Brandt.

Ander lede: D. J. Taljaard,

T. A. Liebenberg,

N. C. van Ryneveld,

B. J. Potgieter,

H. J. van der Walt (jnr.),

Mej. Jo Schoeman,

Mej. Betsie Kruger.

C. ONDERLIGGAME VAN DIE A.B.K.K.:**1. P.U.-Volkspela-laer:**

Voorsitter: J. H. Coetzee.

Damesleidster: Mej. M. Stoker.

Sekretaris: J. B. W. le Roux.

Penningmeester: Mej. L. Malan.

Add. lede: J. Vorster,

Mej. S. Yssel.

2. Alabama:

Voorsitter: H. J. van der Walt (jnr.)

Onder-voorsitter: S. P. B. Buys.

Sekretaris: I. van der Walt.

Penningmeester: C. Harrington.

Add. lede: M. van der Walt,

Mej. S. Grobler.

3. Thalia:

Voorsitter: J. Coetzee.

Onder-voorsitter: T. I. Steenkamp.

Sekretaris: C. J. H. Lessing.

Penningmeester: A. Prollius.

P.T.O.-verteenwoordiger: Mej. R. Dekker.

Add. lede: P. Steinberg,

Mej. C. W. Botha.

4. Debatsvereniging:

Voorsitter: A. N. Helberg.

Onder-voorsitter: W. de Vos.

Sekretaresse-penningmeester: Mej. H. van der Dussen.

Add. lede: I. van der Walt,

Mej. E. Buitendagh.

5. P. U. Skaakklub:

Voorsitter: R. V. Venter.

Onder-voorsitter: L. J. van der Westhuizen.

Sekretaris: B. Spoelstra.

Penningmeester: A. J. van der Walt.

Voorsitter: C. D. Roode.

6. P.U.-Musiekvereniging:

Onder-voorsitter: A. P. C. Duvenage.

Sekretaresse: Mej. C. Sander.

Penningmeester: C. Sander.

Add. lede: P. Snyman,

Mej. C. van der Merwe.

D. ONDERLIGGAME VAN DIE S.S.B.:**1. Rugby:**

Kapt.: J. Bothma,

O.-kapt.: H. Erasmus,

Sekretaris: F. de Bruyn.

Penningmeester: P. Maritz.

Add. lid: W. F. Steenkamp.

2. Krieket:

Kapt.: B. J. Potgieter,

O.-kapt.: J. C. Coetzee.

Sekretaris: M. Potgieter.

Penningmeester: A. A. Venter.

Add. lid: J. T. L. Richards.

3. Manshokkie:

Kapt.: J. C. Coetzee.

O.-kapt.: H. A. C. Wiese.

Sekretaris: J. F. Vorster.

Penningmeester: H. J. R. Colijn.

Add. lid: B. J. Potgieter.

4. Atletiek:

Kapt.: D. J. Taljaard.

O.-kaptein: Mej. A. Struwig.

Sekretaris: D. de Villiers.

Penningmeester: P. Riekert.

Add. lede: G. Venter,

Mej. M. Bekker.

5. Tennis:

Kapt. D. G. C. du Plessis.

O.-kaptein: Mej. Jo Schoeman.

Sekretaris: P. J. S. de Klerk.

Penningmeester: W. van Jaarsveld.

Add. lede: C. Sander,

Mej. I. Schoeman.

6. Dameshokkie:

Kaptein: Jo Schoeman.

O.-kaptein: Cecile Smit.

Sekretaresse: B. Kruger.

Penningmeester: H. van der Dussen.

Add. lede: A. Struwig,

G. Pretorius.

7. Korfbal:

Kaptein: Betsie Kruger.

O.-kaptein: S. du Plooy.

Sekretaresse: A. Bingle.

Penningmeester: B. Chapman.

Add. lid: S. Yssel.

8. Bofbal:

Kapt. H. J. van der Walt (jnr.)

O.-kapt. N. J. Viljoen.

Sekretaris: S. Swanepoel.

Add. lid: D. Elöff.

Penningmeester: Voorlopig sekretaris.

9. Stoei:

Kapt.: P. A. J. Brandt.

O.-kapt.: C. Steenkamp.

Sekretaris: D. Steenberg.

Penningmeester: S. P. Kruger.

Add. lid: H. S. J. Coetzee.

10. Swem:

Kapt.: N. C. van Ryneveld.

O.-kaptein: Mej. L. Heslinga.

Sekretaris: R. Hurter.

Penningmeester: H. L. van der Westhuizen.

Add. lede: H. van der Merwe, Mej. A. Bingle.

11. Jukskei:

Kapt.: T. A. Liebenberg.

O.-kaptein: Mej. B. Chapman.

Sekretaris: J. C. Britz.

Penningmeester: H. Grobler.

Add. lede: J. C. Hendriks,

Mej. M. van der Merwe.

KOMITEES VAN DIE STUDENTERAAD.**Geselligheidskomitee:**

Voorsitter: W. F. Steenkamp.

O.-voorsitter: J. C. Coetzee.

Sekretaris D. Yssel.

Penningmeester: H. Wiese.

Add. lede: Mej. H. van Rensburg.

Mej. L. de Beer,

Mej. I. Schoeman,

Mej. L. Fivaz,

W. Postma,

C. Sander,

J. L. Ras.

Vreugdedag:

Voorsitter: H. J. van der Walt (jnr.)

O.-voorsitter: L. A. S. van Wyk.

Sekretaris: J. Coetzee.

Penningmeester: T. A. van der Walt.

Argiefkomitee:

Argivaris: S. van der Westhuizen.

Hulpargivarisse: S. J. P. Kruger,

J. Venter,

H. B. van der Walt.

Magasynkomitee:

Magasynmeester: T. A. van der Walt.

Assistente: W. van der Merwe,

S. Postma.

Besembos:

Redakteur: N. T. van der Merwe.

Sakebestuurder: A. B. Prollius.

Wapad:

Redakteur: D. C. Coetzee.

Sakebestuurder: D. Yssel.

Pukkie:

Redakteur: N. Dromer.

Sakebestuurder: H. Wiese.

Verskoning.

Mnr. De Wet Venter is reeds voor die Julie-vakansie aangestell as Sportredakteur van „Die Wapad”. Hiermee wil ons verskoning maak dat sy naam nog nie opgeneem is in die redaksiekolom nie.



Brokkies uit die Kunswêrld. Die Rembrandt- en van Gogh-TENTOONSTELLING geniet belangstelling.

By 'n uitstalling wat van Dinsdag tot Saterdag geduur het, is etse en tekeninge van Rembrandt en tekeninge van Van Gogh uitgestal in die Kunskamer van die Universiteit. By die opening wat Dinsdagniddag in die reënweer plaasgevind het, was nie veel aanwesiges nie, maar in die loop van die week het daar baie belangstellendes kom kyk. Op Donderdagaand het mnr. Korthuys, die Nederlandse Kulturele Attaché, die tentoonstelling nader toegelig met 'n lesing en met die vertoon van drie rolprente.

Meneer Korthuys het gesê dat die meeste mense Rembrandt en Van Gogh 'n sonderlike kombinasie sou vind, want daar is by huile groot verskille. Daar is 'n tydverskil, aangesien Rembrandt geleef het vanaf 1606 en Van Gogh vanaf 1853. Ook verskil hulle baie in karakter. Ons vind by hulle egter ook onmiskenbare ooreenkoms. — Albei se kuns getuig van selfbelydenis en van 'n drang tot getuienis. Van Gogh was eers predikant en het eers later ontdek dat die skilderkuns vir hom die middel tot getuenis sou wees. Rembrandt, wat 'n Doopsgesinde was maar in geen vaste kerklike verband opgeneem was nie bring vir ons 'n diep bewoë Christelike hoedskap. Uit albei se kuns spreek daar 'n diep mededoë, veral vir die eenvoudige mens.

Kenmerkend van albei is ook die eenvoud van hul kuns. By Van Gogh sal 'n mens by die eerste aanblik van die brandende kleure nouliks hierdie indruk van eenvoud kry maar by nadere bekouing blyk tog die strewe na eenvoud in uitdrukking en in lyn. Rembrandt in sy eenvoudigste vorm druk die meeste bewoëheid uit. Ons sien die strewe na eenvoud goed uit sy etse waar hy 'n tema aanpak en dit telkens opnuut in 'n meer vereenvoudigde vorm weergee. So het sy eerste ets met die Ecce Homotema 'n woeeling van mense in die voorgrond gehad, maar by herhaling van hierdie tema is dit vereenvoudig en het dit al hoe meer verstil en verinnig. „Die Emmaüs-gangers“ is ook 'n voorbeeld van hierdie ontwikkelingsproses.

Rembrandt en Van Gogh het albei 'n moeilike lewe gehad. By albei was dit die geval van „per aspera ad astra“.



Mnr. J. H. Coetzee wat vir die derde jaar op die S.R. verkieës is.

Die Afrikaanse Toneel: QUO VADIS?

N.T.O. se laaste opvoering op Potchefstroom, dié van „Gekonkel in die Nag“, het 'n hewige reaksie van die publiek uitgelok. Die stuk is 'n vertaling van 'n Engelse stuk wat op sy beurt 'n bewerking van die oorspronklike Hongaarse is. Daar is sekerlik iets interessants in met geestige trekkies en onkonvensionele toneeltegniek, maar die tema self is verrot. Dit het 'n strekking wat sekerlik nie toegelaat moet word om 'n nuwe tendens in die Afrikaanse toneelwêrld te bring nie.

Hierdie neiging tot dubbelsinnigheide en onsmaaklike temas het ons reeds aan die begin van die jaar begin sien met die opvoering van „Die Hemelbed“ deur André Huguenet en Berdine Grünewald. Dié was nog nie so stuitend nie, omrede daar 'n dieper innig menslike strekking in was. Het die Afrikaanse publiek so 'n neiging egter maar van die begin af gewantrou en afgekeur! Want daarna het „Bohaai oor 'n Otjie“ en „Gekonkel in die Nag“ die saak van kwaad na erger gevoer. As 'n mens kyk na 'n fyn stuk soos „Die wit perde van Rosmers Holm“ van Ibsen wat verlede jaar opgevoer is en wat ook 'n vertaling was, kan 'n mens nie begryp waarom daar reeds vertaalde stukke met so 'n moral vir die Afrikaner aangebied word nie. — Sou dit wees wat hulle wil hê? Dit is nogal merkwaardig dat die pers vantevore nijs anders as lof vir hierdie stukke gehad het nie!

Nog meer skriënd is dit aangesien in die Engelse toneel in die afgelope paar jaar die gehalte nog selde gedaal het. Vanaf „The Winslow Boy“ van begin verlede jaar tot by die laaste „Danger's Corner“ was dit nog selde moontlik om sterk kritiek uit te spreke, of op die moral van die stukke, of op die fynheid van benadering.

Die Afrikaners wil tog seker nie op hierdie stadium, waar die toneel na 'n lang periode van swaarkry op 'n sekere hoogtepunt gekom het, die „kuns ter wille van die Kuns“-beginsel gaan toepas nie! Want dit is werlik onmoontlik om die mooi trekkies wat daar wel in 'n stuk is te waardeer wanneer die geheel oorskadu word deur 'n onsuiwer tema. In „Gekonkel in die Nag“ het selfs die fyn tekening van die bediende en die mooi vertolking van die rol verlore gegaan daardeur. So 'n fyn tegniese afronding en mooi dekor en sulke bekende en bekwame spelers is werlik 'n beter stuk as dit waardig!

SONDER PAKKE, maar met pype na Korps.

Op die laaste programvergadering van Korps, gehou op 4 September, het Mnr. F. W. de Klerk 'n mosie ingedien ten dien effekte dat die klosule in die Konstitusie wat bepaal dat mans pakke klere moet aanhê by Korpsvergaderings, geskraap word. Hy het aangetoon dat die dra van pakke na vergaderings van Korps onnodig, onprakties en tot nadeel van Korps is.

Mnr. Bouwie de Klerk het voorgestel dat met die ongeskrewe reël dat op Korpsvergaderings nie geroook mag word nie, weggedoen word.

Mnr. Jaap Labuschagne het hom uitgespreek ten gunste van die behoud van die bestaande reëlings ten opsigte van bogenoemde sake en het gewaarborg teen die neiging om tradisies sommer goedsmoeds oor boord te gooie.

Na 'n deeglike bespreking is die mosies van Mnre. F. W. en Bouwie de Klerk aangeneem.

PRESIDENT CAFE

FOR:

• SWEETS,

• GRILLS

and

• COOLDRINKS

Bus 206 Tel. 164 & 1167

H.v. Wolmarans- en
Van Riebeeckstraat

CENTRAL CASH STORE

POTCHEFSTROOM

Vir Vars Vrugte,
Groente,
Kruideniersware,
Damesuitrustings,
Kombuisgereedskap.
ONS IS DIE BILLIKSTE IN
DIE DORP.

WESTVAAL

Studente !!!

VIR KWALITEIT
DROOGSKOONMAAK
STUUR NA
WESTVAAL

Prof. du Preez:

JEUG het geen houvas in Lewenstorms.

„Die nood van die jeug is dieselfde as die van alle mense in die moderne samelewing: wegvlug van God. Daardeur verloor hulle hul houvas en vastigheid in die lewenstorms van hierdie onsimpatieke wêreld,” het prof. Dr. D. C. S. du Preez voor Korps verklaar in die laaste van die reeks lesings wat gegaan het oor die moderne jeug.

Professor du Preez het aangetoon hoedat die moderne samelewing ontwikkel het deur die prosesse van individualisering, differensiering en integrering. Onder INDIVIDUALISERING verstaan hy die ontwikkeling van die individuele mens as persoon: die mens is nie slegs 'n onderdeel van die stam of gemeenskap nie, maar 'n wese wat op sigself ook waarde het. Deur die groot invloede van die Renaissance en die Franse Revolusie, ontwikkel dit tot die opvatting van die outonome mens, die mens met die absolute vryheid. Die Hervorming het op hierdie opvatting 'n matigende invloed uitgeoefen en grootliks daarsoort bygedra om weer die regte perspektief ten opsigte van die mens as individu en as lid van gemeenskap, te verkry.

Die DIFFERENSIERINGSPROSSES het gedien om die potensialiteite in die mens tot uiting te bring en alle aspekte van die moderne samelewing selfstandig te ontwikkel. Waar die voorgaande twee prosesse verdeel het, was die INTEGRERINGSPROSSES die saambindende faktor in die ontwikkeling van die moderne samelewing. Die mens is geïntegreer in die gesin, huwelik, kerk en staat asook talle verenigings, werkkringe, ens., wat aan hom volle geleentheid tot ontplooiing bied.

Wanneer die jongmens aan die begin van sy lewe hom moet aanpas om die korrekte lewensamehang te vind, het hy simpatieke leiding nodig. Wanneer dit ontbreek, is die integreringsproses geneig om te misluk en bevind die jongmens hom magteloos in die lewenstroom en laat hy hom dikwels meevoer. Hierdie toestand is dan grootliks te wyte aan die feit dat die jeug kontak met God verloor het. Die gerigtheid op die van God gegewe doel word dan vervals en die jongmens streef net daarna om die „ek” te dien en gaan dan ten onder weens 'n vervalste maatstaf van waardes.

REDDING. Die redding uit hierdie benarde toestand lê in die eis om terug te keer tot God. Dan sal die on-

derhouding van die liefdesgebed 'n logiese uitvloeisel van die lewe wees en die verhouding met die medemens en teenoor die „ek” ook reg wees. Dan sal die besef kom dat die lewe nie deur 'n blinde noodlot beheers word nie, maar dat God in Sy Alwyse Raad ook die nood in die lewe bepaal het. Die jeug moet ingelig word omtrent die regte verhouding tussen God en mens: die mens is die skepsel van God en aan Hom verbonden. Daarom het die mens ook sekere verantwoordelikhede teenoor Hom. God Self is die integrasiesentrum van die lewe, maar op sigself kan geen mens daarsoort nader nie: die volledige integrasie is bereik deur die verdienste van Christus.

KOMITEES UIT DIE STUDENTERAAD.

a. Skakelkomitee:

F. W. de Klerk (Konvenor)
D. Postma,
J. C. Coetzee.

b. Kleurekomitee:

H. Coetze (Konvenor).
Mej. M. Stoker.
D. du Plessis.

c. Studentehandboekkomitee:

J. C. Coetze (Konvenor)
Mej. M. van der Walt.
H. Coetze,

d. Datumkomitee:

A. P. C. Duvenage.
H. J. van der Walt.

e. Verkiesingskomitee:

H. L. M. Erasmus (Konvenor)
Tjaart van der Walt.

f. Totius-Gedenksaalkomitee:

L. A. S. van Kyk (Konvenor).
Mej. C. Smit.

g. Kafeteriakomitee:

Mej. C. Smit (Konvenor)
S. P. B. Buys.

BRIEWEBUS

Die Politiek en ons.

P.U. vir C.H.O.

20 September 1956.

Die Redakteur,

Die Wapad,
P.U. vir C.H.O.,

Waarde Heer,

Vergun my om kortliks die volgende onder die aandag van Wapad lesers te bring. Die Pukke besit blykbaar 'n baie fyn smaak wat politieke toesprake betref. Luister hulle nou nog net na die Eerste Minister en Mn. Strauss? Nee, ek vra maar net, want op Saterdag 15 deser het hulle absolut uitgeskitter weens hulle afwesigheid van die N.P. Stryddag, sowel dieoggend as die aand tydens die vergadering in die stadsaal waar Mn. H. Holtzhausen L.P.R., Mn. Fritz Steyn L.U.K. en dr. J. Steyn ons eie L.V. as sprekers opgetree het. Ook die personeel van die P.U. vir C.H.O. was swak verteenwoordig. Daar was nie een student die aand op die vergadering nie en al die sprekers het dit opgemerk en was duidelik teleurgesteld. Die opmerking is selfs gemaak, na die vergadering, dat 'n mens vir hierdie Universiteit twee myl uit jou pad kan gaan, maar die vraag ontstaan nou of een myl die sous werd is.

Is dit werklik nodig dat jong Afrikaners, en dit veral P.U.-kaners, op so 'n wyse aangespoor moet word, te meer aangesien die Eerste Minister nog nie 'n maand gelede nie die hocksteenlegging van die Administrasiëgebou waargeneem het en selfs die Kafeteria oopgesluit het, waar hy verklaar het dat dit die plig is van elke opregte Afrikaner wat die belang van land en volk op die hart dra, om in die politiek belang te stel. Is dit dalk daarom, of het die A.S.B. dalk ook 'n programvergadering gehad?

Dankie vir plasing,
die uwe,
J. H. Grobler.

(Ter verduideliking net die volgende feite: daar was reeds funksies aan die universiteit gereel vir hierdie datum vóór die stryddag se datum bekend geword het, en daar is geen plakkaat aangebring op die kennisgewingbord om die stryddag onder die aandag van die studente te bring nie: Met die plasing van hierdie brief wil „Die Wapad“ hom **geensins op partypolitieke terrein beweeg nie**. Ons plaas hierdie brief omdat dit vir ons hier gaan om politiek in die wyere sin.—Red.

Advertensies onder die soeklig.

Heimat,

4 September 1956.

Meneer die Redakteur,

Ek besef dat ek my vandag op 'n gevarelike terrein waag en dat ek heel-wat kritiek op my hals mag haal, maar die sakie wat ek hiermee wil aanroer, is van so 'n aard dat ek nie langer kan swyg nie.

„Die Wapad“ het in die verlede besondere byval gevind by die oor-grote meerderheid van die lesers, waar ek myself nie uitsluit nie, en daarvoor bly ek steeds dankbaar. In die meeste uitgawes is daar egter 'n paar swartgedrukte letters wat enige ware Puk en ondersteuner van hierdie universiteit ter harte behoort te neem. Dit is en bly ons plig om aan die oproep „Ondersteun ons Adverteerders“, gehoor te gee. Maar nou, Ge-agte Redakteur, is daar sommige advertensies wat, hoewel dit op materiële gebied baie handig te pas kom, hierdie universiteit met sy besondere rigting gladnie tot eer strek nie. Ek dink hier veral aan advertensies van bottelstore. Is dit ons eer en voorreg om hulle te ondersteun? Is dit dan nie moontlik dat sodanige advertensies uit ons blaaie geneem word nie?

Hoogagtend,

M. C. Hattingh.

Verloof en gecase.

Danie Taljaard is verloof aan Rika Strydom. Hannelie van Rensburg en Hessel Dijkstra, Hendrik van der Walt en Lenie de Beer, Dawie Steenberg en Elbie Brink, Buks Kleynhans en Martie Steyn, Betsie Kamfer en Piet Oosthuizen, Edelweiss Oosthuizen en Frik Terblanche, Hantie van der Walt en Swart Stoney en Petro Roberts en Kort Stoney is „gecase“.

JOE'S MOTORS

25 Kerkstraat

Foon 923

HANDELAARS IN ONDERDELE
KOOP EN VERKOOP
TWEEDEHANDSE
MOTORS
ONS WAARBORG ALLE
HERSTELWERK.

Eksklusieve Skindernuus....

nog nooit vantevore gepubliseer nie.

* * *

Marina nadat Stoney haar gesoen het: „Na dese voel my bolip soos 'n sif — ek het nooit geweet 'n snor kan dit doen nie!”

* * *

Uit betroubare bronne word verneem dat Biebie se berugte knie vinnig besig is om te herstel na 'n onlangse „tennikoit” besering.

* * *

Nita Steenkamp het eindelik van haar hoogtevrees herstel nadat sy deur iemand ontdek is wat net so lank en swaar soos sy is. Sy noem hom haar „broodryke Chris.”

* * *

Die tweedejaars het 'n nuwe verslankingskuur ontdek — Hulle verloor plus minus 3lb gewig per week in die hitte a.g.v. die nuwe besending kleurbaadjies. Vir verdere besonderhede, skakel:

Marietjie Geere — 0044
Lia Kotzé — 0054
Lenie de Beer — 0013.

* * *

Dit is opmerklik dat Joan Erasmus deesdae net Engels wil praat — Vra jy hoekom, kry jy die volgende antwoord:

„I exersizes English because of Robert!”

* * *

Sodra Marieta du Plessis mense van Bethlehem sien, vra sy net in watter gemeente hulle is en of hulle die predikante ken.

* * *

Walda Botha het weer al haar ou donkies begrawe wat sy onlangs opgegrawe het.

Hit-Parade.

Nokkels Fourie

„Ek druk drieë en meisies.”

Koos Hendriks —

„Kool is my kos.”

Lang Stoney — „Darkness Visible”.
Magrietha v.d. Walt —

„Abie is my Baby with the Sparkling eyes.”

Piet Aucamp —

„Ek hou van Perfume.”

Nuwe opname van die straatkokers

Peet Kruger: Niemand se seuntjie.

Nokkels: Wil jy of wil jy nie.

Doepie: Skokiaan.

Jo en Hettie: Country Kisses.

Alwyn du P.: When love goes wrong, nothing goes right.

Heimat Badtenore: Kampong Melodie.

André Brink: I could write a book.

Kort Stoney: The Kissing Tree.

Dick Futter: Everybody loves my baby Bet.

At Slinters: Open thy merciful arms.

Piet en Mienie: Two Sleepy people.

Magdalena Bekker: Love every moment you live.

Bettie Linde: Dieksie se dinge.

Wynand Putter: Hen Picked Papa!

Rooi Bekker: Tenderly!

Edelweiss Ootshuizen: My naam is

Frikkie Frik.

Willem Barnard: Byt Vissie Byt.

Vulletjie: Die Kalfie Wals.

In „Cinemascope en Vistavision”

Jig-Jig Steenkamp in „Sarel die Seekoei.”

Tjaart van der Walt (S.R.) in „Vadertjie Langbeen.”

Louw van Wyk in „Stupid Rogues.”

Peet Malan in „From here to Eternity”.

Elizabeth Geertsema in „I love Nobody.”

Peet Steyn in „Where no Vultures fly.”

Johan v.d. Vyver in „Vertraagde Lente.”

Marieta du Plessis in „Ladies prefer Fishermen.”

.. DIE WAPAD”

S. A. N. L. A. M.

Word verteenwoordig deur

MNR. VENTER,

Noordbrugweg 3 — Telefoon 1247,

POTCHEFSTROOM

Vir al u Assuransiepolisse en Versekerings.

PRO REGE-PERS Boekhandel

en

Antikwariaat.

vir al u

Wetenskaplike Boeke
en Skryfbehoefte.

Kerkstraat 59 — Telefoon 1164

DIE BULT FIETS- en SKOENREPARASIE- WINKEL

LANGS WELKOM-KAFEE.

Besoek ons vir betroubare werk en spoed!

FIETSE, SKOENE en
FIETSONDERDELE.

DIE ARCADIA HAARKAPPERS

VIER GEKWALIFISEERDE HAAR-
KAPPERS TOT U DIENS.

„Netheid en Kwaliteitswerk”
is ons Leuse.

Bedieners van Dames sowel as Mans.

Studente . . . !!

vir al u

- Handboeke,
- Skryfbenodigdhede,
- Leertasse,
- Geskenke, ens.!

BESOEK ONS EN WEES VERSE-
KER VAN GOEIE DIENS

POTCHEFSTROOM BOEKHANDEL

Kerkstraat 90 — Telefoon 497

BLITZ! . .

DROOGSKOONMAKERS

Stuur u klere na ons . . . ons sal weet wat om daarmee te doen!

LOOCK
Kleremakers
Calderbanksgebou,
Kerkstraat 102 — Telefoon 855
POTCHEFSTROOM.

Theos verloor teen Strathvaal, Speel gelykop teen Lichtenburg

Theos het Saterdag hul laaste Neder-wedstryd teen Strathvaal met 9—0 verloor. Dit was 'n uiterstelende wedstryd wat deur baie strafskoppe ontsier is. Theos se voorspelers was te lig vir die mynwerkers en in die lynstane het die Lange en Stof-fel Bosch mekaar so opgekeil dat die lynstane baie slordig verloop het. In die skrums het Strathvaal ook die bootoon gevoer. Lang Stoney het ongelukkig nie so goed soos gewoonlik geskop nie en het ses strafkoppe verbrou. Ons agterlyn se hanteerwerk was nie van die beste nie en daar is gans te veel doellose skoppe gelos. Daar sal definitief 'n groot verbetering in ons spel moet kom as ons die Blaine volgende Saterdag teen Klerks-dorp wil verower. Aan Strathvaal se kant was Chris Meyer veral die uit-blinker. Hy het vir 6 van sy span se punte met 'n skepskop en 'n mooi drie gesorg en die wyse waarop hy agter sy agterlyn gedeck het, kom gerus vir ons n' voorbeeld wees om na te volg. Ons mis vir Cecil Harrington baie op losskakel en dit is jammer dat hy nie voor die einde van die seisoen weer beskikbaar sal wees nie.

ter en Casper Lessing het ook vir 'n voorsprong in die skrums gesorg. Hennie v.d. Walt het 'n drie gedruk en Pompie Hechter en Nic Viljoen het ook elkeen 'n mooi drie gedruk. Al hierdie drieë is deur Hennie v.d. Walt vervyf.

Phone 369 **Foon 369**

POTCHEFSTROOM
For/Vir
“SUNFROZE”
Roomys — Ice Cream

J. TOD SUTTIE.
Komplete
Mansuitrusters

Vir al u KLERASIE en ander benodigdhede.

Kerkstraat 127 — Telefoon 1,
POTCHEFSTROOM

In 'n harde wedstryd teen Lichtenburg het Theos amper daarin geslaag om hulle nederlaag van vroeër die kwartaal uit te wis, toe hulle gelykop gespeel het met 9 punte elk. Theos het definitief die beste van die spel gehad en was beslis ongelukkig om nie meer punte aan te teken nie. Vir ons het Nokkels 'n mooi drie gedruk

na 'n breekslag van Hennie van der Walt en Lang Stoney het met twee strafskoppe geslaag.

NAVY

Navy het beter as Theos gevaaar, en daarin geslaag om Strathvaal oortuigend te klop met 15—3. At Beetge en Proffie van Vuuren het die bal soos klokslag in die lynstane bemees

„PUKKE, ondersteun ons vir
AANGENAME
ONTSPANNING!”
Oop vanaf 7.30 in die aand

Baie dankie vir 'n jaar van aangename samewerking, en alle voorspoed aan die nuwe S.R. en Onderliggame vir die komende jaar.

ENSLINS, Posbus 92, Potchefstroom

'N GROOT VERSKEIDENHEID

„ARTIST'S" OLIEKLEURE,
POEIERVERF, en
SKILDERKWASSE

is tans verkrybaar teen dieselfde prys
as in Johannesburg by

HARRY JEDEIKIN

ARRY JEDEIKIN

115 Kerkstraat

MNR. J. S. DU PLESSIS,

U VERTEENWOORDIGER VAN

REMBRANDT

Meyerstraat 9

Telefoon 897

POTCHEFSTROOM.



„Elke Sigaret 'n Meesterstuk”

Rembrandt is 'n mengsel van ryk beleë virginiese tabak; gewaarborg 100% suiwer, eerstegraadse blaar

Rembrandt
KURK, ONCEKURK OF FILTER

„Die sigaret wat u altoos graag wou rook“